

ich gegenwärtigen/ gründlichen/ gebesserten vnd über die
helfft vermehrten Unterricht/ zubereitung vñ gebrauch/
deren hochnützlichen Mathematischen Instrumenten/ des
proportional Schregmess vnd Circels / zu hand ge-
bracht/ ist mir obgelegen/ biß vnd solches publiciert, kei-
nen Vncosten zu sparen / sonderlich weil die ganze Ma-
thematische Operation im Linial vnd Circel bestehet/
vnd aber eben solches Tractätlein neben anderem wichti-
gem ding/ alles das jenige handelt/ was rechter theilung
vnd proportion durch Linial vnd Circel zuwegen ge-
bracht werden muess.

Damit aber solches ringfügige / doch hochnützliche
Büchlein / in seinem grossen ansehen möchte verbleiben/
habe ich gut zu seyn erachtet / mich vmb dergleichen / als
mächtigen Patronos vnd Förderer der löblichen freyen
Künsten vnd Sprachen/ vmbzusehen/ vnd E. Str: vnd
Herzl: hiermit zuschreiben vnd übergeben wollen/ mit des
mütiger Bitt/ Ihnen dise Zuatgung Großgünstig belie-
ben lassen/ im besten zu deuten/ vnd gnädig von mir auff-
vnd anzunehmen / benebens ihnen mein wenige Person
recommendiert, vnd befohlen seyn zulassen / auch hin-
füro meine Gebietende vñ Großgünstige Herren zu
seyn vnd zu verbleiben.

Thue E. Str: vnd Herzl: dem grossen Bayherien
Himels vñ der Erden/ welcher selbige bey gutem löblichen
vnd glückseligen Regiment gnädigst wölle gesund erhal-
ten/ vnd zu dero Großgunsten vnd wol gewogenheit an-
befehlen. Datum 13. Octobris, Anno 1654.

Æ: Str: vnd Herzl:

Vnterthöniger

Johannes Weh/ Burger vnd Buchhändler
inn Augspurg.